

憲法志料三篇

農工商

卷九


庫文省法司			
		和	書
		政治及法律	部門
共	一		
三	九		
七	八		
冊	架	函	號

73
邊

669
20



門 7 邊 3
號 669
卷 20



憲法志料三篇卷九目錄

中古之三

農工商之四

① 破損ノ官舎ヲ修理スル料稻ノ事


② 溝池ヲ修セザル農人ハ杖八十ヲ決スベキ事

③ 諸國ノ荒田ハ民ヲシテ耕食セシムベキ事

④ 多禰ノ島ヲ停テ大隅國ニ隸スル事

⑤ 加賀國ヲ上國ニ定ル事

⑥ 諸國疫病ニヨリ仁祠ヲ修シ賑贍ヲ加ヘ臥病ノ徒救養スル人ナキハ國郡司一一門ニ到リ穀ヲ給ヒ藥ヲ與ヘ又ニ



憲法志料

三篇卷九

目錄

司 去 省

簡年ノ調庸ノ未進ヲ免除スベキノ詔

⑦官舎雜物破損ノ大小ヲ定ル事

⑧解由ヲ得ザル内外ノ官人ノ犯用借貸ハ法ニ依テ罪ヲ斷スル事

⑨五位ニ借叙スル郡領ニ位祿ヲ賜フベキ事

⑩國司ノ作田ヲ停メ事力ヲ給フベキ事

⑪諸郡司ハ病損ノ後他色ニ預ラシメズ舊ニ依テ復任シ及ビ還本スベキ事

⑫太宰府ニ直スル書生ハ權ニ郡司ニ任ズヘキ事

⑬王臣ノ家并ニ諸司ノ官人等ノ田租ヲ進ラザル歷名ヲ言

上スベキ事

⑭溝池ノ破損ヲ修造セシムベキ事

⑮勞効ノ郡司ノ譜第ニ預ルヲ停ムベキ事

⑯易田五町ヲ置クベキ事

⑰閑廢ノ地ヲ以テ願人ニ賜フベキ事

⑱詐偽セル百姓ノ戸ノ計帳ヲ糾正スベキ事

⑲水車ヲ作ルベキ事

⑳大和國田籍ヲ勘造ルニ職ノ官人祇承スルヲ停止シ其書生ハ舊ノ如クニシ雇充ル加増ノ數

㉑疫病ノ百姓ヲ養活スル者ハ出身ノ叙位階ニ預ラシムベ

キ事

- ①長門國ノ外島一處ヲ勅旨島ト為ス事
- ②山城伊賀紀伊三國ノ正稅ヲ大和國ニ充テ舉料ト為ス事

③貢調ノ緋純卅匹ヲ椽絹ニ相轉フベキ事

④大和國國中富人ノ稻ヲ借テ飢民ヲ賑フ事

⑤飢疫ニヨリテ諸國ノ飢民ニ賑給ヲ量加ヘシムルノ詔

⑥因幡國調丁ヲ差シ徭人ヲ驅使スルヲ停ル事

⑦賑給ノ法ハ例ニ依ルベキ事

⑧越後國飢疫ニヨリテ糶糶シテ窮民ヲ資ル事

⑨諸國ノ糶糶ハ年限ヲ立テズ永ク行ハシムルノ詔

⑩畿内ニ田ヲ班ツベキ事

⑪管内諸國島ノ稅帳ニ押署スベキ事

⑫飛驒ノ工ヲ搜勘言上スベキ事

⑬太宰府司ノ公廨ヲ舊ニ復シテ六國ニ班給フ事

⑭佐渡國郡司正員ノ外ニ權任ノ員ヲ置テ雜務ヲ支配セシムル事

⑮年料貢賦ノ練絲等其色ヲ減ジテ生絲ヲ進ラシムル事

⑯諸國ノ守介ハ四年ヲ歷ト為ス事

⑰毎年進上スル青苗簿帳ヲ停ムベキ事

④ 太宰府ニ續命院ヲ建テ往來ノ舍宿ニ備ル事

⑤ 安藝國公廨ノ額ヲ減ジ加舉シテ其息利ヲ以テ驛子等ノ食ニ充テ給フ事

⑥ 京中ニ水田ヲ營ムヲ禁斷ス

⑦ 諸國ノ勅旨並ニ親王以下寺家占ル所ノ墾田地未ダ開カザル間ハ公私共ニ利スベキ事

⑧ 雜徭ヲ均使スベキ事

⑨ 太宰管内ノ地子交易ノ法ヲ定ム

⑩ 損得ノ戸丁彼此同ク率スベキ事

⑪ 畿國諸國ノ雜官稻ノ代ニ錢ヲ收ルヲ禁ズ

⑫ 太宰府例進ノ緋ノ綿紬及ビ畫革ノ色數等ヲ改定スル事
⑬ 上下ノ諸使等ノ尅外ニ多ク夫馬ヲ乘用スルヲ禁斷スベキ事

⑭ 諸道諸國ヲシテ農桑ヲ勸課セシム

⑮ 諸司諸家等調物ヲ割テ錢代ヲ補シ利ヲ廻シテ本ト為ス等ノ事ヲ禁制ス

⑯ 勅旨并ニ親王以下寺家ノ占地墾田ノ地ノ未開ヲ除クノ外ハ伐損スベカラザル事

⑰ 蕎麥ヲ播種スルヲ勸課スベキ事

⑱ 前司部ニ入テ官物ヲ徵ルヲ聽スベキ事

⑤ 大小兩麥ノ青苗ヲ刈テ藁ト為スヲ禁制ス
 ⑥ 損ヲ申ス諸國ノ調庸雜物ヲ交易スベキ事
 ⑦ 且ツ實錄シ且ツ班ツベキ王臣并ニ富豪ノ百姓ノ稻穀ノ
 事

⑧ 農事時ニ隨テ催シ勸メ懈怠ヲ致スナカルベキ事
 ⑨ 逃民ヲ教諭セル褒賞トシテ其一身ハ特ニ任用スルヲ聽
 スベキ事

⑩ 諸使便ニ遙授ノ人ニ附スルヲ停止スベキ事
 ⑪ 陸田ヲ營スベキ事
 ⑫ 諸國飢疫ニヨリテ服御常膳等ヲ省減シ穀藥ヲ班チ調庸

ノ未進等ヲ免除スベキノ詔

⑬ 對馬島年中ノ貢調四度公文ニ新羅船一隻ヲ分チ給フ事

⑭ 永藏ノ驛家ヲ改テ伊豆國ニ遷シ置ク事

⑮ 右坊城出舉錢所ノ事

⑯ 越前越中能登讚岐長門ノ五箇國舊ノ定限ニ復シテ期ニ
 依テ貢セ令ル事

⑰ 百姓二人ノ身分ノ調庸ヲ摠收スベキ事

⑱ 乾稻器ヲ設クベキ事

⑲ 雜貢調庸并ニ輒ク逗留ノ狀ヲ放ツヲ停ムベキ事

⑳ 早く前司ノ時ノ破損雜物ヲ修造スベキ事

①正倉ヲ修理スベキ事

②王臣ノ田ヲ問ハズ水有ルノ處ニハ百姓ヲシテ耕作セシメ又水ヲ溉ギ田ヲ養フハ賤ヲ先ニシ貴ヲ後ニスル事

③青苗簿帳ヲ進ルベキ事

④豐後國前ノ介意ニ任テ郡司百姓ヲ打損シ及ビ調庸未進ノ代ニ私物ヲ上リ其利ヲ倍取スル罪既ニ恩赦ニ會フノ處分

⑤東西ノ兩市興販スベキ色物ハ前格ニ依テ式ニ據ルベカラザル事

⑥主計寮ヲシテ諸國ノ調庸并ニ副物封家ノ未進ノ數ヲ下

知セシムベキ事

①陸奥出羽兩國ノ浮浪人ヲ本貫ニ送附スベキ事

②石見國美濃ノ郡ヲ割テ兩郡トシ及ビ武藏國那珂ノ郡讚岐國大内ノ郡ハ小ヲ改テ下ト為シ并ニ職員ヲ加減スル事

③出納ノ諸司ヲシテ官ニ進ル雜物ノ收文ニ署セシメテ綱丁ニ給フベキ事

④猪鼻驛家ヲ興復セシムル事

⑤隱田并ニ絶戸田ヲ顯シ申ス人ノ出身授位及ビ物ヲ給フノ法ヲ定ル事

- ① 計帳ノ公文ハ便ニ朝集使ニ附スベキ事
- ② 淡路國漁人ノ濫惡及ビ官舎驛家ノ海邊ニ接居スルヲ禁ズ
- ③ 舊ニ復シテ諸國貢調ノ郡司ノ違期ヲ勘スベキ事
- ④ 民部省ノ移文ヲ待テ調庸ノ物ヲ勘納スベキ事
- ⑤ 貢御鷹馬并ニ四度使ヲ除ク外ノ諸使等ハ初位己下ノ子弟ヲ差シ充テラル、事
- ⑥ 青苗簿帳ヲ毎年進上スルヲ停ムベキ事
- ⑦ 率ヲ立テ、赦前舊年ノ調庸并ニ官物ノ未進ヲ徴ルベキ事

- ⑧ 勝載ノ料米ヲ輸スヲ罷ムベキ事
- ⑨ 庫ニ納ル調庸并ニ雜物ハ舊ヲ盡シテ新ヲ貯フベキ事
- ⑩ 大帳調庸并ニ正稅等ノ損益ヲ申スベキ事
- ⑪ 太宰府ノ貢物ノ麤惡并ニ違期ヲ責ムベキ事
- ⑫ 官舎帳ニ救急院一區ヲ附スベキ事
- ⑬ 未ダ解由ヲ得ザル五位以上ノ京ニ入ルヲ停止スベキ事
- ⑭ 正稅ヲ以テ諸家ノ封租ニ充ツベキ事
- ⑮ 陸海ノ貢輸ニ隨ヒ定數ヲ京師ニ取り其沽價ニ準ジテ以テ穀直ト爲スベキ事
- ⑯ 南海山陽兩道ノ公私船ノ水脚ハ身ノ役ヲ停メテ役料ヲ

輸サシムベキ事

- ① 朝集使ニ附シテ大帳ヲ進ルベキ事
- ② 去年己往言上スル租税ノ未納ヲ悉ク免除スル事
- ③ 山野ノ禁
- ④ 逃亡ノ驛子ヲ搜勘スベキ事
- ⑤ 伎樂ノ百姓ノ徭ヲ免スベキ事
- ⑥ 農業ヲ勸督スベキ事
- ⑦ 田ヲ校スベキ事
- ⑧ 實ニ依テ損并ニ不堪佃田疫死ノ百姓賑給スル飢民及ビ破損ノ官舎堤防等ヲ言上スベキ事

⑨ 諸郡司ノ中恪勤ナル者ヲ擇テ惠奈ノ郡ヲ興シ治メシムベキ事

- ⑩ 左右京五畿内ノ隱首括出ラ帳ニ附ルヲ停止スベキ事
- ⑪ 未進ノ調庸ノ數ニ準ジ國司ノ公廨ヲ没シ并ニ調使ヲ國ニ歸ヘスベキ事
- ⑫ 浪人ヲ檢括スベキ事
- ⑬ 例ニ依テ公營田ヲ佃ラシムベキ事
- ⑭ 諸國ノ雜物斗斛ヲ以テ檢納スル者ハ綱丁ノ正身ヲシテ量リ進ラシムベキ事
- ⑮ 陸奥出羽兩國ノ用度帳ヲ勘フベキ事

① 太宰府進ル所ノ調庸ノ用度帳ヲ勘フベキ事
 ② 諸神寺及ビ諸院諸家ノ封戸ノ調庸并ニ雜物ハ返抄ヲ作
 リ移スルヲ傳テ印ヲ日收ニ改メ捺サシムベキ事

憲法志料三篇卷九

判事木村正辭纂輯

中古之三

農工商之四

① 淳和天皇弘仁十四年五月三日太政官符
 正稅稻四萬束

越前國二萬束 加賀國二萬束

右得兩國解備支度修理破損官舍料物既超十萬束依
 格前司輸料後司可修而會去年十一月廿四日恩詔悉
 從免除望請請一請恐衍前件正稅宜充修造其用帳者副作

物帳言上謹請官裁者右大臣藤原冬嗣宣奉勅宜依請但其代出舉正稅令填又自茲以後若有申請修理料稻者亦宜準此出舉令填類聚三代格

②同天皇天長元年五月五日太政官符

應不修溝池農人決杖八十事

右得和泉國解備檢案内太政官去延曆十九年九月十六日下五畿内七道諸國符備右大臣神宣奉勅富國安民是歸良田良田之開實在溝池如聞溝池不修田疇荒廢宜特立條例以懲違犯者諸國承知存意修理惣計池堰載朝集帳每年言上遷替國司據帳檢實如有闕怠仍

停解由者此則為國吏立格不責農民今用水之家不勤溝池或湧位陰狎慢國郡或挾奸偽不事營作田穀焦萎職此之由望請準禁酒格不論陰贖決杖八十者右大臣藤原冬嗣宣奉勅國家豐阜農務為本溝池不營何期順成宜令諸國一同行之但位陰之輩依法聽贖者仍須其贖物者銅代收稻國司檢納便充修營溝池料檢察如法不得寬容類聚三代格

③同年八月廿日太政官符

應諸國荒田令民耕食事

右參議左近衛中將從四位下兼行下總守清原真人夏

野奏狀。俾夫除不堪佃之外。別有常荒田。百姓耕作。國司徵租。民畏此迫。常憚耕食。伏望一身之間。永聽耕食。但六年之後。徵租如法者。右大臣藤原宣奉勅依奏。唯池溝堰等。加公功者。不聽用其水。復不得因此勢家耕作。類聚三代格

④同年九月三日。太政官謹奏。

停多祢嶋隸大隅國事。

右參議太宰大貳從四位下小野朝臣峯守等。解俛謹檢案內。太政官去二月十一日符。俛件島南居海中。人兵之弱。在於國家。良非扞城。又島司一年給物。準稻三萬六千餘束。其島貢調鹿皮一百餘領。更無別物。可謂有名無實。

多損少益。右大臣藤原宣奉勅宜勘利害。言上者。南溟森

森。無國無敵。有損無益。一如符旨。須停島隸大隅國計。其

課口不足。一鄉量其土地。有餘一郡。能滿合於馭謨。益救

合於熊毛四郡。為二於事。得便者。聖帝登樞。事期濟世。明

王布政。理貴適時。臣等商量。昔漢元帝納賈捐之言。罷珠

崖郡。前史以為美談。後世稱其英烈。雖建國量疆。非無分

野。原量作重。依日本逸史引改。而恤民救急。猶棄州郡。況溟海之外。費

損如此。加以往還之吏。漂亡者多。運送之民。蕩沒不少。守

無益之地。損有用之物。求之政典。深迂物議。伏望依件。停

隸。以省邊弊。伏聽天裁。謹以申聞。謹奏。聞。類聚三代格

⑤ 同二年正月十日太政官符

加賀國定上國事

右太政官去弘仁十四年三月一日下式部省符。依太政官去二月三日論奏。割越前國江沼加賀二郡為加賀國。又定中國者。今件國準諸上國課丁田疇。其數差益被右大臣藤原冬嗣宣。傳奉勅。宜改為上國。類聚三代格

⑥ 同年四月庚辰詔曰。天地造物。覆燾之德。以弘帝王濟世。卹隱之仁。斯浚故能。務穡於獄。登群黎於富壽。陶風湛紀。致一代之雍熙。朕恭承叡託。嗣守鴻基。而誠慙經遠。明謝燭幽。通宵輟寢。軫納隍之情。日旰忘食。懷臨谷之懼。如

聞諸國往往疫病不止。又太宰府言上在肥後國阿蘇郡神靈池。遭旱澇。不增減。而無故涸渴。二十餘丈者。去延曆年中有此怪。當時卜之。早疫告咎。前事不忘。取鑑今日。疑是政術有乖。戒以不祥。歟。昔周文引過。消震地之災。宋景厲精。移妖星之咎。乃知德必勝妖。善能除患。欲攘茲殃。唯資法力。宜每寺齋戒。以修仁祠。鰥寡孤獨。不能自存者。量加賑贍。其卧病之徒。無人救養。多致死亡。凡國郡司。為民父母。弃而不顧。豈稱子育。宜一一到門。給穀與藥。令得存濟。又免除去弘仁十三四兩箇年調庸。未進宜告。遐邇使知此意焉。類聚國史

七 同年五月廿七日太政官符

定官舍雜物破損大小事

右勘解由使起請偁太政官弘仁四年九月廿三日騰勅符偁諸國官舍正倉器仗池堰國分寺神社等類隨破損修理各立條例至有闕怠拘以解由今聞前後國司交替之日檢按破損載不與解由狀及交替帳等言上因茲厥後舊人者緣無其勢不堪修造新司者稱非已怠弄而不顧稍經年月彌致大損此之為弊不可勝言自今以後交替之日所有破損宜令後任早加修造其料者作差割留前司主典已上公廨充之如無公廨者徵用私物仍待修

理訖乃許解由者今檢此符直稱徵修理料不顯破損大小因斯內外百官遷替之日雖是小破猶拘解由夫物非金石不能無損一向拘留事恐刻薄望請中破以上依格徵料小損之色後任相承以徭修理不勞言上者左大臣宣奉勅依請政事要略

八 同年同月同日太政官符

不得解由內外官人犯用借貸依法斷罪事

右勘解由使起請偁太政官延曆四年七月廿四日騰勅符偁夫正稅者國家之資水旱之備也而比年國司苟貪利潤費用者衆官物減耗倉廩不實職此之由自今以後

嚴加禁止其國司如有一人犯用餘官同坐並解見任永
不叙用賊物令其填納遞相檢察勿為違犯又交替式云
欠負倉留連不付及知情許容限內無領者依法斷罪即
徵其贓者今檢格式犯用之輩事疑之日即須論罪而頃
年之間偏拘解由不論其罪事涉疎漏違犯不絕大概由
斯望請內外諸司所申不與解由狀內若其借貸犯用之
徒者錄下刑官人省斷其罪者左大臣宣奉勅依請其且
徵物役身亦依太政官弘仁十三年八月廿五日符行之
不與解由狀咸皆名交替欠不顯欠失細由目恐事涉詔
詐科附垂實宜欠損犯用色卷五十四再引此下有目字具載申之不

得隱漏政事要略

九 同年七月八日太政官符

應賜借叙五位郡領位祿事

綰三疋 綿三屯 調布升端 庸布冊段

右太政官去年八月廿日下式部省符偶檢正三位行中
納言兼右近衛大將陸奧出羽按察使良峯朝臣安世奏
狀稱郡領者今之縣令也親民行化實在斯人時澆俗薄
稱格者希伏望善政為國司所舉申者借授榮級令足自
展然後考績依實原依誤佐依政與奪者依奏者右大臣
宣政事要略引奉勅宜且賜件祿使自勸勵但位田資人

并子蔭不在此限古本類聚三代格十

⑩同年閏七月廿二日太政官符

應國司傳作田給事力事

右得河內國解備檢案內太政官去延曆三年十一月三日下諸國符備國司等多營田園妨民農業凋弊之源職斯之由宜加禁制不得使然者至于大同二年七月廿四日下符畿內特聽作田不給事力在今商量營田之煩觸事多妨望請準據舊例停止作田被給事力但以徭均使不損貢賦謹請官裁者左大臣宣奉勅依請四畿內同準

此古本類聚三代格六

⑪同年同月廿六日太政官符

應諸郡司病損之後不預他色依舊復任及還本事

右得式部省解備檢案內太政官去弘仁八年正月廿四日符備今月廿三日下五畿內諸國符備右大臣藤原奏

狀備依太政官去延曆十八年四月廿八日符五國郡司

一居內考率由近接都下驅策殊甚準於外國不可同日

今件人等未出身前相競如林既得考後好稱詐病非啻

闕弄郡務誠是欺犯朝章伏望自今以後有斯類者國司

勘實一從還本若有國司受彼請託輒解却者準狀科附

不從寬典庶遏奸源以勵後進者中納言正三位兼行民

部卿藤原朝臣葛野麻呂宣奉勅依奏者然則詐病還本
格意明白實病得痊處置未的又貪濁有狀無故不上省
例還本事即無疑但或服解後不堪復任或雖居職不堪
時務如此解任理在難抑然而人情詭濫真偽叵信推尋
事迹非無疑涉概由叨內考之榮還足致濫僞之源如聞
件郡司等道職之日巧稱病患解却之後仍稱病痊規去
本職求入他選仍勘格出之後解却之人七十二人望請
實病之人者國司研實每得痊瘡更用復任不堪釐務者
省家閱帳為欺朝章將從還本其實病得痊待闕之間從
於抑退不預他考然則人皆懲慎奸迹自絕謹請官裁者

左大臣

藤原冬嗣宣奉勅依請類聚三代格

① 同年八月十四日太政官符

應直府書生權任郡司事

右得_レ太宰府解_レ傳_レ府所惣管九國二島政迹之體内外相
兼雜務出納觸色紛繁監典等早朝就_レ衙午後分行多事
少人僅檢大略唯就_レ事書生得_レ辨細碎因茲承前選擇書
生每所配充永置不替求得_レ經按繫名郡司盡其勤卓而
依_レ太政官去弘仁三年八月四日符郡司之選一依國定
書生等競就_レ本國無心留_レ府雖加捉擲免而無恥弘仁七
年以來雜公文至今未進職斯之由望請直府書生隨其

才權任主帳以上惣數莫過十人名繫郡司留府衙以繼譜之慶肅奔躁之心者右大臣藤原緒嗣宣奉勅依請類聚三代格

① 同年十月廿日太政官符

應言上王臣家并諸司官人等不進田租歷名事

右太政官去年八月廿一日下山城國符得國解俾諸郡司解俾收納之事令條立程賃租之物須依法進而王臣家并諸司人等多接部內耕營雜田至徵其租不肯辦備租稅未納大概由之郡司入罪是非已怠仍請處分者國司覆勘事是有實望請王臣家并內外官人等所營田租十一月卅日以前進猶有未進者勘錄彼數言上其所

賜俸祿準未進數便留京庫謹請官裁者右大臣藤原緒嗣宣允檢納官物非無程期勤加勘責何致替違宜嚴加勘徵猶有未進實錄其名言上者左大臣藤原冬嗣宣宜令畿內諸國一同行類聚三代格

② 同□年七月十五日太政官符

應令修造溝池破損事

右得武藏國解俾被太政官天長二年十二月廿一日符俾左大臣宣奉勅如聞諸國溝池破損者衆修造之煩每年不息宜出舉正稅令充其料大國四萬束上國三萬束中國二萬束下國一萬束須年中少破先盡用小家二字恐大

損一本若作物多數不堪修造支度勘錄先言後用但先
小作水舉之國依件增減者須依符旨支度功程言上乃造而前
途遼遠往還日□待報之間輒難修造小破之處就為大
損百功之勞更及千功望請自今以後破損溝池國司實
檢且加修造載朝集帳每年言上其作物并用度等帳遷
替之日勘付後任者左大臣宣依請諸國亦宜準此政事要略
本書闕年號下之數字未詳其天長幾年之格但文
中載天長二年之符則知三年以後之格也故姑置
于此

⑤同四年五月廿一日太政官符

應停勞効郡司預譜第事

右得式部省解俛檢案内太政官去天平十年四月十九
日符俛奉勅郡司錄身勞効被任一世者不得取譜第之
限者因茲省家所行勞効二世已上既為譜第方今功勞
之輩追年不絕一郡之譜隨代重積遂使頑庸之徒叨一
割功得職之後無底恥操是則子民之情允非舊績苟是
之心是恐免唯在繼譜望請無譜之人蒙採擇者自今以後
雖積功二世已上不預譜第然則涇渭別流蘭芥殊畝但
既往二世已上者為第猶隨前例望請官裁者中納言兼
左近衛大將役三位行民部卿清原真人夏野宣奉勅依

請代類聚三

同年六月二日太政官符

應置易田五百町事

大鳥郡一百七十町

和泉郡二百町

日根郡一百卅町

右得和泉國解備此國地勢境埔良田少數若遭旱災舉國焦損民氓彫弊政事要畧無不由斯望請準河內播磨置件田者正三位行中納言兼右近衛大將春宮大夫良峰朝臣安世宜奉勅依請類聚三代格

同年九月廿六日太政官符

應以閑廢地賜願人事

右得右京職解備太政官去弘仁十年十一月五日符備兩職解備巡檢京中閑地不少或貧家疎漏徒餘空地或高門占買曾不作營彼此閑廢多失地利須並加勸課令盡地利者大納言正三位兼行左近衛大將陸奥出羽按察使藤原朝臣冬嗣宣奉勅依請者謹依符旨課條喻戶勤俾勞作而人稀居少不事耕營徒過日月稍成藪澤適或他人加功營熟其主奪妨貪此沃熟因茲人倦競作無心勤營荒廢之由事緣於此今彈正巡檢之日恒加勘當頻責過狀為彼閑地時入厥罪官人之愁莫大於斯望請

如此空閑之地自今而後賜冀申輩為彼常地永令勞作
謹請官裁者正三位行中納言兼右近衛大將春宮大夫
良岑朝臣安世宣奉勅宜惣計閑地先申其數重課其主
悉令耕種一年不耕者收賜申請人若授地之人二年不
開者改判賜他人遂以閑熟之人永為彼地主但外任之
宰解秩之間環堵為墟況園地乎此等地者非勘勾限左
京□準此代類聚三

大同五年五月廿九日太政官符

應糾正詐偽百姓戶計帳事

右太政官去三月五日下午民部省符傳得彼省解傳檢案

內太政官去延曆十九年十一月廿六日騰勅符傳隱首
括出禁貫京畿者而依太政官去大同元年八月八日符
更聽附貫今左右京職所進授口以昔況今人數已倍因
茲比校籍帳弘仁三年九月年損益猶同天長元年多隱
首或一嫗戶頭十男寄口尋彼貫屬所生不明或戶主者
耄羣幼新附以父言子物情已乖如此之色編而為戶如
今以人準田一人之外分外恐不滿百步望請天長元年以
來隱首不預授田之例以遏貪田之奸者中納言兼左近
衛大將從三位行民部卿清原真人夏野宣奉勅依請者
今被同宣傳奉勅檢校戶口詳于令條督察奸違非無憲

法而頃年職司不加糾正一至於此遂令愚暗之徒偏貪口分不憚憲章或獨攬數烟絕戶利潤由己或空加無實戶口奸詐年倍加以有徭輸調之輩實在注為逃亡無課影地之徒久亡翻為見在非只損失公田抑亦冒假位蔭求於道理實合懲肅宜重下知不得更然如此之類限符到百日內聽令自首若隱匿不首為他被告依法科斷一無所宥其顯申升人者有位三階進三恐自丁出身若賜物古本類聚三代格十七

⑤同六年五月廿七日太政官符
應作水車事

右被大納言正三位兼行右近衛大將良峯朝臣安世宣稱耕種之利水田為本水田之難尤在早損傳聞唐國之風堰渠不便之處多構水車無水之地以斯不失其利此間之民素無此備動苦焦損宜下仰民間作備件器以為農業之資其以手轉以足踏服牛迴等各隨便宜若有貧乏之輩不堪作備者國司作給經用破損隨亦修理其料用救急稻類聚三代格

⑥同年六月廿二日太政官符

應雇充書生卅四人左右京各十七人元各十四人今加三人從各一人
右太政官今月廿二日下班大和國田四使四字符偁得

使解俾檢案內使去年十二月十三日解俾檢太政官去
弘仁十二年十一月四日符俾待左京職解□太政官去
十月十日下五畿內諸國符俾右大臣藤原冬嗣宣奉勅校田
班田遣使爲例今聞累年不稔百姓彫弊若準例遣使百
姓彌苦此廻班田令國司行者今檢案內當于班田造籍
之例山城河內等四箇國各國司同造京戶田籍而大和
國者職官人率書生等向國勘造承前成例夫京戶口分
同校畿內至造田籍事非一同望請準彼四國令國司造
者右大臣藤原冬嗣宣依請右京□準此者今案件等符旨是
一度之事何爲恒例加以班給口分自冬至春勘造公文

及秋難畢而國司率書生等舉稅入調土民田籍尚煩勘
造何堪副造京戶田籍望請依例令勘造之謹請官裁者
左近衛大將從三位兼守權大納言行民部卿清原真人
夏野宣官人祇承宜從停止其書生如舊唯加增之數如
件者其用度并功食者宜準太政官弘仁二年二月四日
下彼職符行之類聚三代格

○同七年四月廿九日太政官符

應養活疫病百姓者預出身叙位階事
右得陸奧出羽兩國解俾自去年十一月所部之內疫病
流行或舉家死去無由葬斂或駢頭痛苦無人看養雖勤

鎮謝有益無損仍馳驛言上者被左近衛大將從三位兼
守權大納言行民部卿清原真人夏野宣備奉勅如聞鄉
間之閒疫病發動則稱染著曾不至問因茲富豪之家積
穀猶餓況乎貧乏之輩有何生理夫死生有命脩短稟天
嫌避而求生觸就以致死者事無所據仁靡不酬德必有
報豈行仁德還罹其咎黎民之愚遂致斯惑宜仰國司重
加誨諭勤令醫療酬彼勞効其養活病者卅人以上白丁
者預於內考自入色至初位每十人加一階初位至八位
已上每卅人加一階外考入內考者咸半咸減古通若養越此
法者錄名言上量其形迹授以五位但養二等级以上親者

原等上行不在此限若富豪之室異輸私物異恐誤字施飢病
年字今削空位恐亦同報酬其法白丁輸稻一千束者預入於內
考入色至初位每階二百束初位至八位已上每階四百
束外考入內考者咸半若費養之物越此法者量其形迹
授以五位者仍須差專當官精加採訪療養既訖具錄言
上至於仲秋惣從停止古本類聚三代格十七
⑤ 同年五月乙未長門國外島一處爲勅旨島但其內之
公私田地公驗灼然不在此例類聚國史
⑥ 同年同月丙申山城國正稅一萬束伊賀國正稅三萬
束紀伊國正稅一萬束合五萬束充大和國爲舉料國用

憲去志料 三篇卷九 弘仁 十五 司去省

處多例舉不足也。類乘國史

④同八年四月廿二日。一本作十二日太政官符民部省。

應貢調緋純卅匹相轉椽絹事。

右被大納言正三位兼行左近衛大將民部卿清原真人夏野宣備奉勅諸國所貢調物緋多椽少至于充用或致闕乏宜越前國調緋一向椽令貢省宜承知依宜施行但復舊之事待後符。源氏物語河海鈔引格

⑤仁明天皇天長十年五月壬子大和國言頻年不登例舉有欠準弘仁十年官符借國中富人稻三萬八千束將賑飢民許之仍勅曰夫富豪所貯是貧窶之資也如聞先

來所行吏非其人只事借用無意返給所以貧富俱弊周

急隣絕宜至秋收特遣使者原隣作憐悉令返給續日本紀

⑥同年同月甲寅京師五畿內七道諸國並飢疫焉下詔

曰夫一穀不贍原贍作贍依古本及類史改百姓不嘆必遵救乏之典

兼明勸穡之義原遵作導穡作構是則救瘼恤隱原救瘼

依古本及類史改固本厚生雖沿革有時而斯塗莫爽者也朕虔

膺明命原虔作慮撫字黔黎思脩和平之猷以登仁壽之

域原域作城依古本及類史改如聞諸國去年穀稼頗乖豐稔今茲元

元阻飢且疫朕為之司牧未克綏之靖言念焉憮然何弭

況只農時甫至類史只農時三字藝殖斯盛原斯作鼎依一

不有矜情恐失肆力宜京畿內七道諸國飢民量加賑給
令獲支濟事委守宰原宰作寄依古本及類史改必也審察務崇簡惠
允副朕意後續日本

⑤同年六月乙酉因幡國言百姓之徭卅日為限至于事
力竟年駢使比之平民受弊殊重請停差調丁駢使徭人
許之後續日本

⑥同年七月六日太政官符
應賑給法依例事

右檢案內太政官去六月三日下五畿內七道諸國符俾
賑給飢民之料稻大國十萬束上國八萬束中國六萬束

下國四萬束者右大臣清原宣雖隨國大少中下知彼料而

賑給之法非無恒例宜給大男三束中男大女二束小男
小女一束若口少稻剩者實錄言上人多稻少者只盡符

內類聚三代格

⑦同年閏七月戊寅類史作戊辰越後國言去年疫癘旁發華
耕失時寒氣早侵稼秋類史作秋稼不稔今茲飢疫相仍死亡
者眾凶年之弊雖賑猶乏望請被許糶糶資此究民本及古

⑧同年十二月辛卯詔曰如聞諸國糶糶有利於民無損
於公自今以後不立年限永俾行之後續日本

類史作窮通許之後續日本
按究窮通許之後續日本

憲法志料
三篇卷九

卅 同天皇承和元年二月三日太政官符

應畿内班田事

右得民部省解傳太政官去延曆廿年六月五日符傳按
班多煩一紀一行者又去大同三年七月二日符傳事乘
實錄互依令條者仍須準後格六年一班而檢案內去
弘仁元年班田天長五年又授不據前後之格而檢案內去
際二十九箇年今欲施行未知何據者從二位行大納言
兼皇太子傳藤原朝臣三守宣奉勅依延曆格一紀一班
類聚三
代格

卅 同年四月十五日太政官符

應押署管内諸國嶋稅帳事

右得民部省解傳主稅寮解傳從延曆廿四年迄天長八
年勘出雜物不勞填納雖返稅帳曾無懲肅恐用公廨一
恐作徒失官物是則府司不加勘當之所致也既往之怠
無由追責將來之勤殊合改張望請令府官準解由署件
帳勘出之物不令填納準彼所怠依法科附然則不填之
怠從此而絕者省檢解狀非無情理雖然積習年久事難
卒責仍須去年帳隨舊勘之始自今年依件令署謹請處
分者右大臣清原夏野宣依請代格類聚三
卅 同年同月廿五日太政官符

憲法志料
三篇卷九
承和
十八
司法省

應搜勘言上飛驒工事

右檢案內太政官去弘仁五年五月廿一日下左右京五畿內七道諸國符傳得飛驒國解傳貢上丁匠每年有數事畢之日規避課役庸作他鄉積年忘歸未役不絕國郡陷罪加以遺留之輩相代奉公不堪其苦逃去者多遂使父子不保夫婦別處邑里為墟道路希通望請下知天下勘責令言上者右大臣藤原宣容止逃人律條立罪其飛驒之民言語容負既異他國雖變姓名理無可疑然則留住之奸尤在所由宜重下知搜勘令言上若有容隱者國郡官司準太政官去延曆十三年符科違勅罪鄉長隣保

亦準之科之雇役之家處杖一百計自來日一人之功日別徵新錢一百文令送彼後家永為恒例以絕奸源者職國承知每年附朝集使言上者從二位行大納言兼皇太子傅藤原朝臣三守宜下知之後曾無言上職國之司不慎符旨遂致此急宜嚴下知搜勘令言上如猶不悛一準前符科違勅罪類聚三代格

④同年五月癸亥太宰府司公廨元來班給六國原班今改至天長八年依民部省起請原起作所依古本及類史改停給六國混給肥後國至是勅曰如聞轉送之勞民受其費混給一國事乖穩便互復舊給之續日本後紀

卅五 同年十一月己巳佐渡國言國例每郡郡司一人專當
貢賦冬中勘備原勘作助依古本改夏日上道古本日作月而或遭風波
留連海上或供相撲節不得早歸此際無人充用郡政擁
滯請正負外每郡置權任負支配雜務許之續日本後紀

原此制係十二月者誤今推干支改

卅六 同二年五月癸酉原月作日依一本改太政官處分伊賀尾張出

雲義作備中備前備後安藝紀伊阿波等國年料貢賦練
絲等宜減其色令進生絲原生作上依古本改○續日本後紀

卅七 同年七月三日太政官謹奏
諸國守介四年為歷事

右謹檢選叙令初位已上長上官遷代皆以六考為限慶
雲三年二月十六日改定四年大同二年十月十九日更
據今文弘仁六年七月十七日復慶雲格天長元年八月
廿日令介以上別處六年之秩夫吏者民之所歸民者吏
之所本頃年良吏之風希聞窮民之憂不息臣等以為善
人三年尚可勝殘四凶九載難復致功然則治之能否非
年遠近代之清濁賢將不肖伏望國司之歷因循慶雲一
用四年但陸奧出羽太宰府等僻在千里去來多煩寶龜
十一弘仁七兩年之格事近便宜不可改至如廉節可稱
無心顧私之徒不制年限殊待明詔事貴變通期施弛張

隨時之義大矣。臣等商量具件如前。伏聽天裁。謹以申聞。
謹奏聞。類聚三代格

○同年九月十日。

應停每年進上青苗簿帳事。

右得相摸國解。備檢案内。依太政官去承和九年六月九日符勘造件帳。附大帳使。每年進上。今商量有損之年。有由勘會無損之歲。未見其用。望請當有損年勘造進上。自此外將從停止。謹請官裁者。大納言正三位兼行右近衛大將民部卿陸奧出羽按察使藤原朝臣良房宣依請。自餘諸國亦互準此。政事要略

○同年十二月癸酉。故參議刑部卿從四位上小野朝臣岑守前為太宰大貳時。建續命院一處。以備往來之舍宿。但不藉公力。恐不得長存。乃叙本意具修解文。曰。管九國二嶋之民。或公或私。往來相續。其求輕者。暫經時月。其事重者。竟歲始還。客宿於府倉之下。賃寄於閭閻之間。若病纏身。手足不隨。官舍督察。非養病之處。王家爭趁。皆惡死之人。遂使露卧道路。暴死風霜。縱有時得痊愈。亦以飢寒死者十而七八矣。原八作也。依三代格改。見其如此。心深救恤。聊建續命院一處。檜皮葺屋七宇。鼎一口。墾田百十町。以擬飢病有志無力。庶幾萬一地隔人遠。執檢難周。轉以屬人。更

增疎廢若遂不因公力恨心願之徒已原公作心徒作伏從依三代格改
望令府監或典一人及觀音寺講師勾當其事相替之日
一事已上皆依實勘附原附作謝依古本及三代格改若不加修理令致
破損及非法費用之類並以官法論未及上聞岑守物故
其家就大臣追以陳請勅報曰思撫黎甿不忘鑿寐宇縣
負遠無聞控告見此莽納爰知忠槩速令所司俾允所請
勾當之官遷替之日與奪解由原由作田依古本及三代格改一準國司
續日本後紀
○同五年五月乙丑安藝國言管驛家十一處驛家別驛
子百升人山路險阻送迎繁多良倍他國勞逸不等始自

今年減公廩類加舉三萬一千二百束以彼息利充給驛
子等食許之類聚國史
○同年七月丙辰勅如聞諸家京中好營水田自今以後
一切禁斷但元來卑濕之地原卑作旱依一本及類史改聽殖水葱芥
蓮類續日本後紀
○同年八月壬辰勅五畿內七道諸國勅旨並親王以下
寺家所占墾田地未開間公私共利若不隨憲法令民愁
苦者國宰郡司解却見任專當莊長科違勅罪續日本後紀
○同年同月廿九日太政官符
應雜徭均使事

憲法志科
三篇卷乙 承和
三二
司去省

右檢案內去延曆十四年閏七月十五日，勅書，備雜徭每
人均使惣不得過六十日。如聞京國之司偏執斯旨，差科
之限必限六十日。是以富強之家輸財物以酬直，貧弱之
輩役自力而赴事，貪濁之吏因而潤屋，中外之民於焉受
弊。薄賦輕徭，豈斯之謂乎。自今以後，宜以卅日為限，均使
之法。一如令條，其無事之歲不必滿限者，今被□大臣宣
備奉勅法令一□。天下遵行，如有違越法設科條，如聞諸
國差科甚乖，均平何則。富強之民賂入輕徭，貧弱之輩還
苦重役。或前年未役，後年更科，或不役其身，徵歛徭分如
此，枉濫不可勝言。非唯犯法，蠹民兼復化敗。此而不糾，何

□□弊宜重下知，嚴加捉搦，仍須計帳對勘之日，察其貧
富強弱，均平差科，無有偏頗。年役一點不得輕替。若不悛
前過，復有後犯，國司科違勅罪，榜示村邑，令民庶知。政事
引交替式

○同年九月己巳，定太宰管内地子交易法，綿一屯直稻
八束。續日本後紀

○同年十月癸巳，民部省言永大帳口率之數，或國戶到
二三丁，或國戶到三四丁，而頃年檢損田使帳多丁之戶。
原無戶字，定是遭損少課之烟。原少作多，今意改。必以為得也。通
計之率，理不可然。自今以後，損得戶丁彼此同率許之。續

木後紀

按延喜主計式云凡諸國申損田年損戶得戶課丁彼此同率例損戶亦準此卷十所載貞觀十二年十月廿五日格可合攷

○同年同月乙未勅畿內諸國雜官稱代原官作官依古本及類史改收錢一切禁之續日本後紀

○同年同月甲寅太政官處分太宰府例進緋綿紬一百端今定緋紬十端黑緋紬四十端緋紬五十端畫革五十枚原革作華枚作枚依古本改下並同今定白革卅枚畫革卅枚續日本後紀

○同年十一月十八日太政官符

應禁斷上下諸使等尅外多乘用夫馬事

右太政官去延曆元年十一月三日下諸道符偁去天平寶字二年七月十九日下諸國符偁上下諸使準尅給馬如有違犯罪著法律而諸使違式乘用國司知而不禁自今以後必錄增乘之人申官科罪若不申者與同罪者大納言正三位藤原朝臣是公宣奉勅如聞前件事禁制以來徒積年歲曾不遵行或使者憑勢尅外增乘或國司和牒遞相融通因茲路次傳驛疲弊殊甚於事商量深非道理自今以後宜每國委次官已上一人嚴加禁斷如有專當國司阿容不糾被比國申者即宜解所由官見任者諸

國承知。榜示郡家并驛門。普令告知者。又去天長元年八月十七日。下諸國符。偪右大臣宣奉。勅諸國貢上御馬。足別充牽夫二人。以令上道。而時屬秋收。民力難堪。宜自今以後。減定一人充行之。路次之國亦宜準此。若今被右大臣宣偪奉勅。如聞上下諸使等。猶不畏憲法。尅外多乘用。或乘甲驛馬。過丙丁驛。或夫馬之荷。乖法負重。國司許容。曾無糾勘。宜重下知。不得令更然。若違法乘用之徒。留身言上。但事緣急者。錄名言上。並科違勅罪。不用蔭贖。若有國郡顏面不糾。被比國告者。依延曆元年格。解却所由官。見任者。須每驛充郡司令。彼主當國司次官已上一人。依

格專當不得積習以致疎略代古本類聚三十八

同六年閏正月丙午勅如坻之貯原坻作垣由有年多

稔之獲在務業原獲下行之字業下去年勸農諸國致稔

今茲不勸習俗猶怠宜令諸道諸國勸課農桑必期豐年

續日本後紀

同年同月同日上野國言前年綱領郡司等稱填調庸欠并減直物借取諸司諸家出舉錢其手實云附來年使將報上而不令後年綱領知情而封家諸司等便割調物先補錢代迴利為本動成數倍年中所報殆及萬貫官物未進大率由此望請下知諸家以除此煩者仰下諸司諸

家七道諸國禁制之原脫諸家以下二十字依一本及類史補○續日本後紀

⑤ 同年同月廿五日太政官符

勅旨并親王以下寺家占地除墾田地未開之外不可伐損事

右檢案内太政官去年八月七日下午諸國符傳右大臣藤原宣奉勅旨并親王以下寺家所占墾田地未開之間所有草木公私共令採之者今被同宣傳官符所謂草木共令採之者是則墾田地未開之間也非謂自餘山林而間愚暗之徒不案符旨任意伐損元來相傳加功成林并墳山原墳作塩一本改墓地等之類此下恐有脫文此則國宰郡司不辨

格意亦不肅所部之所致宜重下知莫令更然類聚三代格

⑤ 同年七月廿一日太政官符

應勸課播種蕎麥事

右蕎麥之為物也不擇土沃瘠生熟有繁茂孟秋始播季秋乃收稻粱之外能足療飢右大臣藤原宣奉勅旨仰諸國爭時勸種令國司介以上一人專當其事勤加巡檢類聚三代格

⑤ 同年十月一日太政官符

應聽前司入部徵官物事

右得前近江權介從五位下藤原朝臣濱雄少目從七位

上刑部氏繼等解，備一任之中，兩年不熟，任中官物未進多，數默爾欲居後責難，避入部欲勘前司無力，望請賜官符與當時吏相共入部依件勘納，謹請官裁者，被右大臣藤原宣備雖踰年不究，怠在國司而至備官物不可不聽，三守宜與收納國司共入部勘納，不得因此令妨滯當年事，類聚

格三代
○同年同月丙辰，制大小兩麥耕種勞少而夏月早熟，支急力多，原支作与依古本改若不刈青苗，令其成熟貧賤之民將以療飢，屢下禁制不聽為芻而累年奢侈之俗收青苗以飼馬，原收作伏依一本改庶民之愚利得直以暫用積習至今不畏憲

法宜令左右京五畿內諸國不得更然其百姓不改悛及所容隱，準大同三年格隨狀科處，續日本後紀

○同年同月九日，太政官符應交易申損，諸國調庸雜物事。

右太政官去天長九年二月三日，下民部省符，備被大納言正三位兼行左近衛大將民部卿清原真人夏野宣備奉勅承前當于諸國有損之年，所被免除調庸雜物之代，仰比國令交易，因茲未進猥積用途難支於事，商量理不可然，自今以後宜預令當國依朝使勘定帳，一本朝下有集字下同交易辨備者，今被右大臣藤原宣備有損之國，所被免除

調庸雜物之代若待朝使勘定者恐交易過時事是難濟
宜早仰當國推量損戶預令交易類聚三
美同七年二月十一日太政官符

應且實錄且班王臣并富豪百姓稻穀事

右檢案内太政官承和五年四月二日下大和國符偁太
政官弘仁十年二月廿日騰勅符偁頻年不稔百姓飢饉
倉廩空盡無物賑贍不預周給恐忘廉恥宜遣使者實錄
富豪之財借貸困窮之徒秋收之時依數俾報者右大臣
藤原宣原右上行奉勅量宜制權隨時施化皇王令範古
三守宣右字今削今嘉猷宜因循故實詳令實錄析此有餘補彼不足者不

論王臣百姓皆悉令貸秋收俾報者今被大納言正三位
兼行右近衛大將源朝臣常宣偁奉勅播殖有時宜仰於
國司因循舊例不論王臣百姓令且實錄且班給來月卅
日以前言上實錄班給之狀但其代者秋收之後依數返
給四畿內亦準此者時臨東作不得延怠類聚三
美同年同月癸酉勅國家隆泰要在富民倉廩充實良由
有年故耕耘時必致京坻之蕃原坻作杞稼穡候還或云
違招飢饉之憂農之爲道豈不勗歟去年炎旱作灾嘉穀
彫萎百姓阻飢國用闕乏雖灾異之臻則是天道而庶民
之愚恐有倦惰方今青陽入序倣載南畝勸課之事適在

此時宜告五畿內諸國戒以農事原無戒字日本紀畧補隨時催勤
莫致懈怠續日本後紀

○同年四月戊辰太政官奏去承和五年十一月二日美濃國言管惠奈郡無人任使郡司暗拙是以大井驛家人馬共疲官倉顛仆一本倉作舍因茲坂本驛子悉逃諸使擁塞原塞作基國司遣席田郡人國造真祖父令加教諭於是逃民更飯連蹤不絕遂率妻子各有本土夫見善不褒何以責成望請停史生一員特置驛吏預于把笏令得威勢至得其人為終身任其公廨者給史生料勅減省官員頗非穩便宜史生數猶復舊例真祖父一身特聽任用從此

而後不得更補其俸料者分折公廨給史生半分事力公廨田不在給限續日本後紀

○同年五月二日太政官符

應停止諸使便附遙授人事

右檢案內去延曆廿一年八月廿七日格傳右大臣神宣王奉勅諸國調庸專當歷名附大帳使依例申送而使人豫知物處惡規求遁去遂稱病故便附在京國司等調物濫惡從此而生即此法令雖有科條所司罕能遵奉今須如是之類及在京司并他使等輒相代者同奪公廨務令懲革者今被右大臣藤原宣傳奉勅內官之吏無祿之人夙

夜服事身之衣食因茲或兼牧宰猶直本任原直作宜依續日本後紀及政事要略原留作富依續日本後紀或拜外吏留身京華紀及政事要略引改皆將潤以俸料令得代耕而諸國皆忘舊貫便附使政公文感於失錯貢物煩於麁惡諸使擁塞職此之由宜下符諸道勿令更然類聚三代格

①同年同月同日太政官符

應營陸田事

右檢案內去養老七年八月廿八日格俱麥之為用在入尤切救之之要莫過於此是以藤原官御宇太上天皇之世割取官物播殖天下比年以來多割耕種至於飢饉艱

辛良深非獨百姓懈緩實亦國郡罪過自今以後催勸百姓勿令失時其耕種町段收穫多少每年具錄附計帳使申送者今被右大臣藤原宣偁頻年旱灾水田不稔黎民窮飢無所取活往年詔格已設條章近代牧宰曾無遵行宜掾已上一人專當其事使民因天之時就地之利播殖黍稷蕪麥大小豆及胡麻等之類是則所以富國贍民支給凶年者也若懈怠無勤隨狀科責唯不得因斯不務水田變為陸田類聚三代格

右二條雖載續日本後紀而文有誤脫故今從格

②同年六月庚申詔曰哲后撫運寔約己而臨人明王會

昌必推心而濟物是以義農隔代同期於勤勞勛華殊時
共均於愛育朕祇膺景命嗣守丕基日慎塞懷古本塞不
以九重自樂夕惕興想每以億兆為憂而政化未孚至誠
靡達去年陰陽并隔秋稼弗登頃者偏亢原亢作冗改淹旬
藝殖或損如聞諸國飢疫往往喪亡朕之菲虛黎元何罪
仰誓前烈德是除邪內求諸心抑可挹損其朕服御物并
常膳等並宜省減左右馬寮原寮作察依古本改秣穀一切擁絕原
作權依一本改諸作役非要者量事且停狴圜之中原狴圜作控
恐有寃者速命所司申慮放出加之天下諸國有水之處
任命百姓灌溉先貧後富鰥寡孤獨不能自存者量加賑

瞻其臥病之徒無人視養多致夭折原無致字依一本補凡國郡司
為民父母而不顧念豈稱子育宜就班穀藥令得存濟又
免除五畿內七道諸國去承和二年以往調庸未進在民
身者但東海東山山陽三道驛戶田租限三箇年殊從原
免庶油雲布簇原簇作族依一本改施甘澤於十旬嘉苗亘原貯京
坻於萬畝原坻作城依古本改普告遐邇俾知朕意續日本
同年九月丁亥太宰府言對馬嶋司言遙海之事風波
危險年中貢調四度公文屢逢漂沒原漂作潭依古本改傳聞新羅
船能凌波行望請新羅船六隻之中原隻作雙依古本改分給一
隻聽之續日本

憲去志科 三篇卷九 承和 三十一 司去省

⑤同年十二月癸卯改駿河國駿河郡永藏驛家原永作改遷置于伊豆國田方郡以駿河郡特帶三驛百姓殊苦重役也續日本後紀

⑥同八年二月丙寅太政官處分以西市東北角空閑地方十五丈為右坊城出舉錢所續日本後紀

⑦同年三月庚子民部省言主計寮解偁貢調之期越前國元十一月為期依承和三年十一月廿三日符原符作本明年二月為期越中國元十一月為期依天長八年十月十五日符一本作明年二月為期能登國元十一月為期依天長十年十月十六日符明年二月為期原此下有讚岐國元

十一年為期依天長十年十月十六日讚岐國元十一月符明年二月為期二十六字依古本刪為期依天長七年十一月十七日符明年二月為期長門國元正月為期依天長四年二月十二日符四月為期件五箇國不據令條申改常期逾致延墮原改作墮作既虧國用望請復舊定限依期令貢者許之續日本後紀

⑧同年五月七日太政官符應摠收百姓二人身分調庸事

壬生吉志繼成年十九
調庸料布卅端二丈一尺
中男作物紙八十張

壬生吉志真成年十三。

調庸料布卅端○卅當二丈一尺。

中男作物紙百六十張。

並男余郡榎津郷戶主外從八位上壬生吉志福正之男。

右得武藏國解備男余郡司解備福正解狀備己身雖免課役而停蔭不得傳子方今年齡衰老命臨冥途今有二男皆無一才定知調庸之民不免負擔為父之道不能無慈望請件繼成等各身調庸始自中男至于不課計年摠進免將來賦者郡司覆勘所申有道仍申送者國檢郡解

雖云無例於公有益謹請官裁者右大臣源宣依請但徭依例行之類聚三代格

○同年閏九月二日太政官符。

應設乾稻器事。

右被右大臣源宣備國以民為本民以食為天是以春雨初降老弱赴畝於東秋露稍飛丁壯收穀於西保茲五穀濟彼萬事如聞諸國百姓所營稼穡偏恃陽景既忘靈雨如逢雲影難霽雨足不歇置稻中庭見之且飢庶民甚愚一至於茲大和國宇陀郡人田中構木懸曝種穀其穀之慘似當火災俗名謂之稻機今諸國往々所有在焉宜仰

諸國廣備此器專緣利人不得疎略類聚三代格

癸 同年同月七日太政官符

應雜貢調庸并停輒放逗留狀事

右被右大臣源宣俾凡貢調之期輸物之品詳見令條違期之科麗惡之罪亦明格文一輕一重懲肅之道既盡有沿有革勸誡之方周備縱國宰莅事必慎憲法郡領居職不輕朝章則府庫有實國用不乏輸貢合限百姓無憂而諸國司等朝委未允怠慢多端或矯言桑麻規避麗惡或請驗路次巧稱逗留遂使奸詐之輩積習為恒阿容之吏無所拘忌寔乃徒設條章曾不遵行之所致也宜殊下知

改已往怠令慎將來其教喻之後猶有違犯者隨狀科處一如前格又如聞路次之國不存公平偏任請託輒放逗留之狀皆構虛辭乖躐實亦宜自今而後不得更然若不遵符旨妄作容隱事發之日依法科罪不曾寬宥類聚三代格

癸 同年同月十九日太政官符

應早修造前司時破損雜物原雜作并依前格改事

右去弘仁四年九月原九作七依前格改廿三日下五畿七道諸國騰勅符俾官舍正倉器仗池堰國分寺神社等類隨破損修理各立條例至有闕怠拘以解由今交替之日檢校破損載不與解由狀及交替帳等言上自茲厥後舊人者緣

無其勢不堪修造新司者稱非己怠弄而不顧稍經年月彌致大損此之爲弊不可勝言自今以後交替之日所有破損宜令後司早加修造其料者作差割留前司主典已上公廨充之如無公廨徵用私物仍待修理訖乃許解由又郡司之職檢察所部郡中破損須勤修理若有破損不勤修理者作差徵物亦同國司案天長二年五月廿七日符偁中破以上依格徵料少損之色以徭修理者今被右大臣宣偁或國宰等言上不與解由狀之後寄事報符遲下不勞任中早修因茲中破者便爲大破百功者殆及千功又國內之徭國司所行而偏棄前時之事還取當時之

煩論乎吏道大乖公平原乖作幸依一本改斯則誓違格旨不慎條例之所致宜甲時破損乙即修竟不得以乙之怠轉於丙若猶不勤更倍料物乙即出之又郡司出料者準郡內損者諸國承知依宣行之立以爲例政事要略引交替式

應修理正倉事

右案太政官去延曆廿四年四月四日符偁右大臣宣奉勅奉爲崇道天皇諸國造正倉收納正稅者仍須國司掾已上一人專當其事郡別造倉納稻卅束其造物準納物數所須料者宜用正稅者今被正三位行中納言兼左兵

憲法志 卷九

衛督陸奧出羽按察使藤原朝臣良房宣傳奉勅件倉若有損失者隨即修造自外之事一依前符類聚三代格

同年三月丙午勅比者春兩降少枯旱日多原早作草依古本改

百姓輟耕不能播種宜準弘仁九年四月廿五日格不問

王臣田所有水之處任令百姓耕作降種遷種之後各歸

其主神寺田宜同準此又溉水養田先賤後貴但事權時

不得為例續日本後紀

同年六月九日太政官符

應進青苗簿帳事副樣式一卷上

右檢案內太政官去弘仁十年五月十六日下五畿內七

道諸國符傳靈龜三年五月十一日勅書傳自今以後宜

造苗簿養老元年八月十日格傳自今以後納租之事依

青苗簿令進手實者今案勘租之道先由苗簿苗簿之興

年紀既久而今諸國不造彼簿至勘田租事多疎漏假令

甲之戶田沽與於乙乙戶田已損自得免調甲之得直於

甲無損苗簿之意令甲輸調而今勘損之日依無苗簿偏

稱戶主不徵甲調凡此不作苗簿所致之弊也非唯為怠

還失官物者大納言正三位兼行左近衛大將陸奧出羽

按察使藤原朝臣冬嗣宜不作之怠理須科附宜仰諸國

勤令勘作若有使至無帳者科罪貶考一任法律者今被

右大臣源宣備凡厥苗簿之起所以激揚國郡之清濁沙汰田畝之損得者也如聞或詐寫田籍或損而不存是以朝使檢校之日既多乖實之奸官物收納之時還少充倉之實此祇國宰怠慢之所致也宜下知諸道據樣造備附大帳使必令進官者若不進者不聽申損但太宰管内諸國便進彼府府檢校不得疎漏類聚三

⑤同年八月庚寅太宰府言豐後國言前介正六位上中井王私宅在日向郡及私營田在諸郡任意打損郡司百姓因茲吏民騷動未遑安心又本自淳宥筑後肥後等國威陵百姓妨農奪業為蠹良深中井尚欲入部徵舊年未

進兼徵私物而調庸未進代一本代上便上私物倍取其利望請準據延曆十六年四月廿九日格旨令還本者原

作云今太政官處分罪會去七月十七日恩赦宜身還本意改

鄉續日本

⑥同年十月庚辰西市司言依承和二年九月符旨錦綾綃調布絲綿紵染物縫衣續麻針櫛染革帶幡油土器綃冠牛塵等類興販於西市而東市司論云檢承和七年四月符依弘仁十一年四月式件等色物兩市共可興販不可更度今百姓悉遷於東交易件物仍市塵既空公事闕怠者去承和二年彼此中折施行既訖而承和七年四月

班式之日遺漏不改勅宜依前格不可據式續日本後紀

⑤同十年三月十五日太政官符

應令主計寮下知諸國調庸并副物封家未進數事。右得伊勢國解備檢案内此國調庸稅帳返抄經年未給。至于稅帳主稅寮例若有勘出不與返抄者寮具錄勘出色目副官符每年下知於國至于填納勘出及有可請裁其跡甚分明至于調庸主計寮例調庸并雜交易等物納畢之日郡司綱領受取諸司諸家返抄收文付授雜掌雜掌為請返抄與寮官共勘會抄帳若寸絹撮米有未進者不與返抄今為知未進數原無今字依政事要略引補搜勘年年返抄

收文半是紛失無由勘知尋其失由或為計會抄帳雜掌受取入京其身死去不返上或不全繕收在國紛失如是之類觸事多端夫諸司收文須就出納諸司寫取為證至如封家無更可然何者縱有可輸納絹百疋就中擇納九十疋稱麓惡勘返十疋須所納絹且與返抄而稱物不究抑而不與郡司綱領私記其數還向於國若封家有薨卒者無由受返抄如是等煩不可勝計然則調庸返抄何以可得謹案太政官去天長三年五月廿五日下午諸司符備和泉國解備進官雜物依期入京至計返抄還多未進何則綱領之負或作貢若欠鎔銖本司之例必拘返抄至乃綱

丁死亡本司遷代檢據失便終為未進室家弊於重輸國
郡困於再貢吏之與民弊莫大焉望請令檢納諸司錄其
見納捺本司印且與返抄者左大臣藤原冬嗣宣依請凡厥諸
國亦同此例而件符未令下知諸社諸寺諸院諸家等因
是所納之物因準舊例不與返抄望請依件下知且隨所
納之物數令與返抄即令主計寮每色勘會具錄未進色
目每年下知於國如是者雖不營收文政事要略引營作略有何可
煩寮無勞計會國易知未進雖經年序事跡不惑謹請官
裁者右大臣源常宣依請諸國亦準此例類聚三代格
美同年四月廿八日太政官符

應陸奧出羽兩國浮浪人送附本貫事

右倉廩充實事由富國富國足用寔緣民力是以前格立
制務實邊廩者蓋所以安國化狄備於兵革也頃年邊郡
黎毗習俗澆醜好逋課賦多入奧地又陸奧人民既宥出
羽出羽百姓還匿陸奧去就無定奸遁多綺遂令課賦之
民脫於籍帳調庸之物欠於官庫斯則國司等無心督察
原督作依一本改敷所致之怠也被大納言正三位兼行右近衛大
將民部卿陸奧出羽按察使藤原朝臣良房宣偁且下符
兩順國所有浪人尋其本郡差使勒狀依實送付如有許
容一人為他被告者依法科處類聚三代格

⑤同年五月丙申石見國美濃郡分割爲兩郡本郡依舊爲美濃郡新郡取邑號爲鹿足郡其職負者準小郡折元四負分取一人更加一負惣置二負本郡則準下郡置三負武藏國那珂郡元來小郡官負約小而今戶口增益結定四鄉政多職少不堪頒行原政作收頒作須依古本改據準令條誠裕下郡改小爲下更增一負又讚岐國大内郡小郡只有領帳領則領調入京帳猶留國釐務非常移病無人從公加之鄉戶田數既堪下郡改小爲下加領一負焉續日本後紀移病按移者箋表之類移書言病也

⑥同年閏七月七日太政官符

應令出納諸司署於進官雜物收文給綱丁事

右得伊勢國守正五位下長岑宿禰高名解俣檢案内依太政官度々符旨所納雜物收文一通須捺本司印給綱領而唯令作出納諸司并本司料收文各加署每司分取不勞給綱領料隔日之後本司更寫案署印給之申請之間經日多煩非唯人憂兼涉嫌疑望請仰出納諸司收文一通於諸司前捺本司印即日給綱領人謹請官裁者左大臣宣依請諸國收文亦宜準此古本類聚三代格十七⑦同年十月癸酉遠江國濱名郡猪鼻驛家廢來稍久今依國司言遣使檢其利害更令興復續日本後紀

①同十一年三月一日太政官符

定顯申隱田并絕戶田人出身授位及給物之法事

右得五畿内諸國校田使起請俾其顯申田數四町二階五町三階自此以上節級而準若位階盡而町數多可待處分亦正六位上者授其位子若無位子賜次男子一人出身若十町以上出身之上半減入色而授之白丁四町賜出身若十町以上同上法也其給物者一町廿貫二町卅貫二町卅貫若望位階隨狀給之者被右大臣宣俾依

請代古本類聚三格十七

②同年四月一日原闕年月日依一太政官符

應計帳公文便附朝集使事

右得陸奧國解俾頃年朝集使例附稅帳公文因茲朝集之政雖畢替滯之煩無息遂超年月復涉秋冬今計帳使九月上道進發同時累路多苦望請件等公文附朝集使為例言上然則路省疲一本及政事要略引路下有次字驛子息肩唯正稅帳使別差專使進上謹請官裁者右大臣源常宣奉勅依請代類聚三格

③同年五月辛丑淡路國言他國漁人等三千餘人賣王臣家牒群集濱浦寃凌土民伐損山林雲集霧散濫惡不休又官舍驛家皆在海邊而接居彼間原彼作波依古壁本及類史改

猶魚鱗縱有火災可難撲滅勤加禁斷國力不足望請官符皆悉禁制官宜宜嚴加禁止勿令更然如不遵制旨尚致濫猾立加決罰原決作史以懲將來但所犯之罪杖罪已上者勘錄所犯及姓名早速言上續日本後紀

同年七月廿六日太政官符

應復舊勘諸國貢調郡司違期事

右得民部省解傳被太政官去承和九年七月五日符傳得彼省解傳太政官去大同二年十二月廿九日符傳案濫惡政事要略厩庫律云應輸課稅及入官之物而巧偽濫惡者唐律疏議合計所關準盜論主司知情與同罪賊盜律云

竊盜一尺杖六十一端加一等五端徒一年五端加一等卅端遠流是處惡之罪也戶督律云輸課稅之物違期不充者以十分論一分笞卅一分加一等國郡皆以長官為首佐職節級全違期不充者政事要略引級下有連徒二年是未進之罪也右大臣藤原內宣奉勅貢調違期輸物濫惡法有恒科理合遵行而國郡怠慢不憚憲章仍承前立格數施嚴制主典已上差充專當如有違闕解任決罰使無返抄不預登務相代奉使同奪公廩而國郡官司曾不改悛空設條章何能懲肅加以使未畢事偏不預登務傍官有故誰可從政夫罰不在重法貴必行準據法律實

足懲革自今以後宜改前格一依律條更莫寬宥但使差
主典以上公勤幹了者充之若有未進宜依延曆十四年
七月廿七日符上下作差割公廩料辦備令進者而天長
八年六月十六日宣旨云奉勅準據法意陷罪者眾宜專
當國司送刑部省科勘之郡司官當徒罪及贖銅之類送
刑部省惣於民部省決罪之者今熟檢案内精搜事情大
同之格出而不用天長宣旨行而有妨何者有罪郡司深
畏嚴罰參省者寡寔國者眾因茲年中勘決不過十人逋
逃之徒隨以申官即付國司便令決罰曾不懲革愈致緩
怠此之爲事實非公勤謹案天長元年八月廿日騰勅符

以專當郡司政事要略引郡司上有國司二字爲首由斯言之不可必以
長官爲首望請件使并郡司等所犯具錄申官官付所司
令科斷隨申斷罪下官符然則輕重能別違闕自止又在
國之吏理須相勞若有可勞而不勞者使殊修解申官下
知至有違犯節級科附謹請官裁者正三位行中納言藤
原朝臣吉野宣奉勅依請者宜始自今年依宣行之者遵
行未幾緩怠還倍案其事緒良有以矣斷罪之科責雖重
經年月而始知身決之寔事似輕停皮膚而立受以此二
課試彼万人畏輕寬者眾寬恐謹重科者寡朝章之用備
於懲肅望請復天長八年六月十六日宣旨依前行之謹

請官裁者左大臣源常宣奉勅依請類聚三代格

⑤同年十一月十五日太政官符

應待民部省移文勘納調庸物事

右得民部省解俛諸國貢調郡司等理須先申參狀然後
向大藏省而或國郡司不經此省只向彼省因茲違期之
輩寔難勘知望請下知彼省待此省移狀致令辨進雜賦
之物者致恐大納言正三位兼行右近衛大將民部卿陸
奧出羽按察使藤原朝臣良房宣依請類聚三代格

⑥同十二年正月壬申美濃國言凡上下諸人隨其位階
乘用人馬灼立條章而貢御鷹馬熊膏昆布并沙金藥草

等使或以遷替之國司便充綱領原便作使依古或差浮

遊之輩令得公乘而公物有限私荷無數使等偏假威勢

不憚憲法驛子無由告訴運送山谷人馬斃亡職此之由

望請除貢御鷹馬并四度使之外諸使等原除下有非字

事要略以初位已下子弟原弟作弟依三代格及政

請宜仰陸奧出羽兩國及東山道諸國令知此制續日本

⑦同年同月甲寅相摸國言依承和九年六月九日格勘

造青苗簿帳每年進上今商量有損之年有用勘會無損

之歲未見其用望請當有損年勘造進上自此之外原自

日字依三將從停止者依請自餘諸國亦準此者類聚

全同十三年八月十七日太政官符

應立率徵赦前舊年調庸并官物未進事

右往年外吏不慎法式勤公者寡陷憲者衆緣此去承和九年八月廿七日殊降非常之恩咸免已往之罪左大臣源宣奉勅如聞赦後牧宰多懼先怠專優前司累暨後人議之政途良非均平宜立率法每年相承徵十分一若堪徵者莫拘此率自餘雜物亦宜準此代類聚三

全同十年十月五日太政官符

應罷輸勝載料米事

右得左兵衛府解俣頃年府糧被行綠海之國而依件例

令輸勝載斛別五合有限之糧因茲而闕望請永被免輸謹請官裁者左大臣源宣依請自餘諸司所運米亦宜準此代類聚三

全同十年十一月十六日太政官符

應納庫調庸并雜物盡舊貯新事

右得大藏省解俣案倉庫令云凡倉藏貯積雜物應出給者先盡速年其有不任久貯及故弊者申太政官斟量處分者須據令條所司出納而頃年置動用倉納雜種物新貢之物先居其上故弊之色即在下其關恐觸事出用舊物猶遺望請當年貢物檢納別倉先盡舊貯後用新物者

左大臣宣依請類聚三代格

①同十四年七月九日太政官符

應申大帳調庸并正稅等損益事

右得民部省解俣主計主稅兩寮解俣檢舊例前件損益或申惣省或申辨官行來非一事多迴改終據式條一定

申官原無事多以下今商議勾勘之務念忙不銓雖貪勤

濟猶致淹留而經省申官動延旬月政非簡要事是煩勞

望請自今以後寮勘定畢即申返抄但損益帳勘抄惣目

大帳稅帳明年正月調帳七月並申省即署一本即署作

申送於官然則寮吏免延引之責使人絕拘滯之苦者

省依解狀伏請官裁者大納言正三位兼行右近衛大將民部卿藤原朝臣良房宣奉勅依請類聚三代格

①同年十月十四日政事要略作廿四日太政官符

應責太宰府貢物鹿惡并違期事

右檢案内貢物鹿惡及違期者可處重科之狀延曆十四

年七月廿七日大同二年十二月廿九日承和十二年政事要略作

鎮致違期非唯闕國用還狎慢朝章論之格條罪在不宥

左大臣宣頃年州吏不勤公途不慎憲法政事要略慎作隨

任中累全企得解由今須新張嚴科殊懲將來脫不悔先

憲法志 三篇卷九
急猶致鹿惡違期府司及管内國宰奪公廨四分之一但
郡司準諸國貢調綱領決杖八十曾不寬宥類聚三代格

⑤同十五年即嘉祥元年三月廿一日太政官符

應附官舍帳救急院一區事

地三段 屋三字

三間板葺屋一字 草葺屋一字

五間布施屋一字 四面築垣

開田五十町見開井町未開井町

已上愛甲高座二郡

右得前相摸介從五位下橘朝臣永範解偁去承和十一

年以俸料稻一万束造立件院開發空閑地納其地子稻
班給運進調庸百姓之尤窮并貧不能自存者自承和十
四年總一千百五十八人因茲郡司百姓等錄民悅狀每
年申官非唯濟公事兼復救民急脫不附官帳往被棄置
望請永載公帳以傳後代但有破損之日割留地子之內
以充修理料謹請官裁者右大臣藤原良房宣奉勅依請類聚三代格

⑤同年五月十四日一本作十五日太政官符

應停止未得解由五位以上入京事

右得勘解由使解偁被太政官去年十二月十三日符偁

太政官承和九年八月十五日下太宰府符偁大貳從四位上藤原朝臣衛奏狀偁交替務畢未得解由之徒寄事於符旨留住管内常好農商侵漁百姓巧為奸利之謀未觀填納之物望請交替畢吏早從入京者右大臣源宣奉勅依請但勘修不與解由狀之日欠負官物灼然令填見賊在身奪令填償其所填之物具錄言上者今檢案内太政官弘仁十三年八月廿五日符偁右大臣藤原宣奉勅諸國司等在任之吏只拘解由無意徵物去職之人自推難填不愁拘留官倉罄空職此之由今須交替之日犯用欠負損失之物隨即徵物役身原一作從一本改勿更延引物填

役畢仍聽放還者然則欠負之輩未得解由之間不可輒得入京若為處分謹請官裁者左大臣源宣奉勅宜停止後符依前格行之但情樂留住不填欠負所行乖憲為拘所悉寬平七年十一月七日格引作為物所愁按物恐民具狀言上隨即處分三代格

番同天皇嘉祥元年十二月廿七日太政官符

應以正稅充諸家封租事

右案今年六月十三日詔書令天下無輸今年田租之半然則前件封租亦須除半右大臣藤原良房宣準寶龜例以正稅滿數充之類聚三代格

同二年四月戊子勅去承和七年定諸國穀直訖而今
如聞穀價踊貴錢幣差賤而猶守舊程不隨時宜原脫宜
師史宜改前直一依當時仍須隨陸海之貢輸取定數於京
師補準其沽價以為穀直自今以後立為恒例續日本
後紀

同年九月三日太政官符

應南海山陽兩道公私船水脚停身役令輸役料事

右得讚岐國解偁諸郡司解偁進官雜物綱丁等申云舟
楫之行本自無期占雲而發瞻風而泊若失一時違以十
里而造大輪田船瀨使舊立長例以來役三日風潮引船
之便盡於役所貢進雜物之期違於式例望請言上由緒

被免此役者謹請官裁者右大臣藤原宣永免件役船瀨
難修仍須二道諸國公私舟船水脚共停身役令輸役料
其輸法一人日米一升五合至有造作雇役當土若取料
乘法并強役水脚者罪以重科曾不寬宥類聚三
代格

同年閏十二月廿六日太政官符

應附朝集使進大帳事

右得出羽國解偁件公文依太政官去弘仁十年五月廿
八日符旨差使九月進官朝集使且依例十月上道兩使
駱驛路次多弊望請準陸奧大帳永附朝集使進上但稅
帳別差專使將進謹請官裁者原無者字依政右大臣藤原

良宣依請代類聚三

○文德天皇嘉祥三年四月辛未太政官重宣今月十七日詔旨頒下京畿諸國云今案詔旨去年已往言上租稅未納悉可免除宜命官長分明搜檢見在民身即從免除又雖非別錄申官所司原無非字文簿載未納之由者亦同言上之例若後日遣使巡檢國郡司并預事人等徵取訖隱為未進及稱不言上之色欺責頑民者必處重科並榜示路頭普令知見但地子未納不在免限自餘事條原條作修依一本改準天長十年例實錄

○同年同月癸酉宣詔山野之禁本為鷄雉至於草木非

有所制如聞所司原司作由不熟事意矯峻法禁奪人斧斤捕人牛馬絕其往還之跡妨其樵蕪之業原妨作如為人之患莫此之甚宜早下知莫令更然又聞豪貴之家非有官符妄占山野多妨民利如斯之類並早禁斷其江河池沼之類同亦準此莫致人愁榜示路頭普令知見實錄

○同年五月廿八日太政官符應搜勘逃亡驛子事

右得美濃國解俚土岐坂本二驛程途悠遠行李難澀負擔之辛剩倍他處國司雖勤存恤猶致散亡遞送乏人往還多擁因茲移送隣國委加搜認而所申不屑事情或亦

容隱追捕之次。鬪爭更成。實是不怕憲章之所致也。望請
依律科罪。兼準飛驒工例。容止主人一人。日別令輸稻一
束。即送本國。以徵奸道容隱之輩。徵恐謹請官裁者。右大
臣宣依請者。諸國準此。古本類聚三代格十八
①同四年即仁壽元年正月十六日。太政官符。
應免伎樂百姓徭事。

右得治部省解。偁雅樂寮解。偁百姓等申云。已等依例調
習伎樂。而國郡司稱。今年諒闇。差妨他役。望請依舊被免
件役者。原脫免字。依政省依解狀。謹請官裁者。右大臣宣
依請。古本類聚三代格十七

①同天皇仁壽二年三月十三日。太政官符。
應勸督農業事。

右被右大臣藤原良房宣。偁奉勅。洪範八政。食居第一。又殖貨
志云。國無粟而可治者。自古未之聞。然則王政之要。生民
之本。唯在務農。頃年諸國所申之不堪佃田。其數居多。是
由國郡官司。不勤地利。不重民命。其非所以選擇良吏。委
付黎元。允治田勤。謹則畝益三年。年恐不勤則損亦如是
之。其種而不勤。所損尚然。況廢而不耕。其費更甚。一畝之
田。可食一戶。一畝不耕。一戶受飢。既多不耕之地。何少受
飢之人。古者州郡官長。春出行田。若有不耕。課而佃之。獲

者公私半之是古人至重地利之意宜仰下諸國令曉此情國郡司等親自巡觀一本修固池堰催勸耕農力者衰而錄之懈者督而趣之即有地不耕雖有其主而無力營者速以救急義倉等粟給之若有所不足量貸營料勤令耕蒔莫使空費秋收之日先納所貸或有其田無人可治者亦以公力營種其所獲者全納官倉庫如之者則廢田自開實廩可期者哀旨懇勸念農為憂誰其分憂國宰之謂宜致心力以相副朝望類聚三代格

同三年五月廿五日太政官符
應校田事

右得美濃國解俾準令百姓口分田六年一班夫依官符校田言上待候報符稍送年數其間新附括責之輩不給口分不堪貢賦因茲人民易逃戶口難增纔隨官符來乃始班田文案未究還及紀年昨日班田今日校田吏民之煩無不由此望請期年至者國郡官司校定國內之田數惣計當年之見口且校班且言上謹請官裁者右大臣藤原良宣奉勅宜校田依請自餘諸國準此類聚三代格

同四年十月一日太政官符
應依實言上損并不堪佃田疫死百姓賑給飢民及破損官舍堤防等事

右案弘仁十年五月廿一日格。偶國司申政詐不以實奪其公廩兼處法律。又科懲郡司一同國史者。一本吏頃年諸國司等不陳實數浪致增加格後漸曠既忘科責被右大臣藤原良房宣。偶奉勅朝家篤論最在官長選當清潔寄重分憂如今既擇良牧更加官使屋下架屋寔為煩疊宜自今以後官長親自巡省子細檢定依實申送若所申過多稍涉疑殆者事不獲已乃遣朝使使者覆覈或有乖違準其所詐論如前格但奪俸科罪事以重酷須宥其俸只如其罪凡厥犯解之後一切不復叙用俾彼濫穢之徒永絕榮進之望其科決郡司亦復準此者但損田荒田言上之

期承前程限事為促近宜不堪佃者八月之內申損田者預申損狀十月內申其遠國九月風水之損通計行程一依前格庶幾專城之宰宣威難犯論道之官提綱易舉類聚

三代格

皇 同天皇齊衡二年正月廿八日太政官符

應擇諸郡司中恪勤者令興治惠奈郡事

右得美濃國解。偶惠奈郡坂本驛與信濃國阿智驛相去七十四里雲山背重。一本背作壘路遠坂高戴星早發犯夜遲到一驛之程猶倍數驛驛子負荷常困遞送寒節之中道死者衆朝廷悲之殊降恩貸永免件驛子租調又去承和

十一年舉郡給三年之復頻雖施無限之恩徒費公家曾無所息前任良宰雖展治方猶難興復況後任愚吏更施何術今檢彼郡課丁惣二百九十六人也就中二百十五人為驛子八十一人輸調庸比之諸郡衰弊尤甚望請擇諸郡司之中富豪恪勤者募以五位期三年內令治件郡謹請官裁者右大臣藤原良房宣奉勅依請與奪之事一準去天長元年八月廿日格類聚三代格

○同年三月十三日太政官符
應停止左右京五畿內隱首括出附帳事
右太政官去大同元年八月八日符俾太政官去延曆十

九年十一月廿六日下民部省騰勅符俾都鄙之民賦役不同除附之事損益已異今聞外民挾奸競貫京畿隱首括出二色是也非唯增口貪田實亦冒名假蔭如不改轍何絕詐偽自今以後一切禁斷者右大臣藤原內麻呂宣奉勅今禁隱首頗奔人民之胤復斷括出還增浮宕之類宜依令條聽附籍帳但冒名假蔭依法科罪者如聞外土之民奸附京畿多遁課役無懷土心右大臣藤原良房宣奉勅宜依延曆十九年十一月廿六日格嚴加禁止有司許容不糾依法科責但隱首色不獲止有可附者氏中長者覆實加署申所司所司申官待報而後附帳類聚三代格

憲去志斗
三書卷九
齊衡
五十四
司法省

符。 ①同年五月十九日。原脫九字。依貞觀六年十二月十四日格。及三代實錄補。太政官

應準未進調庸數沒國司公廨并調使歸國事。

右檢案内太政官去仁壽二年四月二日符。偁右大臣宣奉勅調庸之物輸貢有期而今諸國遠者數十年近者五六年皆作未進一無返抄因茲深法嚴科前後重疊加以一差調使之人永無歸國之期若有不上隨亦解官諸使之中譴責殊深雖違式不備責在奉使之小吏狎法不勤罪歸執事之官長今須諸國調使雖有未進勘損益畢使遣歸國與官長共催督未進兼以公廨辨備速令納訖其

使政總成之日勘會抄帳并受返抄並如常式若今年未進來年不究納者所司別錄過期不納之國申送民部省即沒使及長官一年公廨夫罪依一重不可再科先有計日奪俸之格今則從停止但貢調限日之後損益未畢之前若有依病及無故不上之輩即依法條處之解官者今被右大臣宣偁奉勅夫改張法式為濟公途而格後數年未見成事推尋其意緣人不堪九國中之政上下共知獨沒官長公廨頗不愜人情去延曆十四年七月廿七日格偁依少奪多事實不穩自今以後宜國司史生以上各作差法準未進數割其公廨隨色辨備進納京庫省寮計會

每年勘出者然則勘納之格彼此分明而所司無意勘出不勞辨納又武云凡貢調庸使者物之與帳同領入京不得先後零疊者由是言之調庸之物領將可貢不可留落致怠但所司勘返并有損之國得引歲月頗置未進因茲制格間施催責無休今須當年未進來年不究者主計寮具錄未進數明年三月以前移主稅寮即準未進數沒國司史生以上公廨兼復令未進調物依數辨納但事不得已便附在京司不在沒公廨之限其使違期不到科責如恒又無返抄者依寶龜十年八月廿一日格奪料申送項年貢調使公文下寮始責著到雖公文遲下所司而不上

之責無加其身因茲延引年月不勞催下須公文進官之後一向直寮縱令誓留不下者使等錄狀申官省無故拘留者各尋所由將處科條其公文進官身不直寮者外題下時計不上日若無故滿卅五依病經百廿所司具錄申省其勘損益之間上日不滿三分之一責如先格勘畢歸國催未進并勘會抄帳請返抄并如仁壽符政事要略引交替式民部式云凡貢調使公文下省即直主計寮若不直者始自外題日責其不上

○同年六月廿五日太政官符
應檢括浪人事

右太政官延曆十六年四月十九日下太宰府符代載三
錄卷四十六十日從二位行大納言神王宣奉勅括責淳宥
九日作廿九日先已下知今聞秩滿解任之人王臣子孫之徒結黨群居
同惡相濟佞媚官人威陵百姓妨農奪業爲蠹良深宜嚴
檢括勤還本鄉情願留住便即編附去留之事夏月令畢
附大帳使別狀申上若有犯者不論陰贖科違勅罪移配
遠處土人容而不申官司知而不糾者亦與同罪者右大
臣藤原良房宣奉勅件格年紀已久風威陵遲府司忘却而不
爲情土民許容而不忍申宜重下知之嚴令檢括類聚三
①同年十月廿五日太政官符

應依例佃公營田事

右得_レ太宰府去二月廿六日解佃肥後國解佃依府去嘉
祥三年十月四日符營田之期去年限滿今年須停而澆
季之民窮弊殊甚若無營田之利潤必闕調庸之輸貢望
請當年之間依舊令營者府依解狀且行且言者今檢案
內太政官嘉祥三年八月廿六日下彼府符佃右大臣藤原
良宣奉勅件田宜依大貳從四位下清原真人長田申請
令營者宜始自來年準弘仁十四年三月十一日符行之
者今準件符只指田數及獲稻用途非謂年限亦□於四
年但有不_レ堪營田國者具狀申請類聚三

○同年十一月十五日太政官符

應諸國雜物以斗斛檢納者令綱丁正身量進事

右得伊勢國解備諸郡解備郡下恐例進雜米其數猥多未進相尋連年不絕是故國吏未免沒公廨之責郡司常苦奪職田之憂人民彫弊鄉邑淪亡何者貢進之家如法春裘監領之吏依數辨納仍即運漕依例貢備而檢收之所既足違法貪猾人夫掌其量納遂使斗概之間方術多端鐘石之外增加不少綱丁等目見奸口不敢言欠費所積還倍本數因茲綱領之輩合門弊亡規避之徒舉族逃遁吏民之煩莫甚於斯望請被早言上年料雜米令彼綱

丁自親量進者國司覆審所陳合理望請下知所司依件

施行然則欠失之費莫聞未進之責自絕謹請官裁者右

大臣藤原良房宣依請諸國所進宜亦準此代類聚三

○同三年三月八日太政官符

應勘陸奥出羽兩國用度帳事

右得民部省解備主計寮解備檢案內寮去嘉祥二年十一月一日申省解備檢承前例件兩國調帳并用度帳便附朝集使進之勘兩帳訖乃從放還至有勘出具載返抄而去天長元年以降只勘調帳不勞返抄所用調庸理非難辨因茲頃年雖勘發而使等偏稱前例無意勘營是請

朝集返抄即得歸去之所致也。望請雖濟朝集事無調返抄者專從勘留不許放還然則所司存例勾勘得的者而未蒙裁下然今檢仁壽三年以往頻經恩蕩不可更勘但自齊衡元年勘件帳以申返抄謹請官裁者右大臣藤原良房宣依請類聚三代格

⑤同年五月廿七日太政官符

應勘太宰府所進調庸用度帳事

右得民部省解俣主計寮解俣檢案内去承和四年件帳違例始注未進自爾以降返却不勘于今十九箇年而省今年四月十九日符俣太政官去嘉祥三年八月三日符

俣得太宰府解俣準例管内諸國調庸檢收府庫隨用出充即修用度帳副調帳進官所司勘兩帳知無未進乃放返抄因茲雖有未進猶注全數不顧後累唯期事成未進之責具著格條府司雖苦催勘弊民猶致欠逋然則依實言上允應穩便望請不獲止所致之未進即注用度帳濟事國且給返抄謹請官裁者右大臣藤原良房宣依請者須勘年々帳申送返抄而仁壽三年以往頻經恩蕩雖有年々勘出之責而無公家之益望請始自齊衡元年將勞勘申但不會赦之色總載後年返抄然則勾勘省煩官物無失者今依解狀謹請官裁者右大臣藤原良房宣依請但須其用

度帳雖注未進猶復勘會同載返抄若當年未進來年不究納明年用度帳猶注未進者令移主稅寮沒國司公廨兼辦備未進一如去年五月十日格類聚三代格

皇同年六月五日太政官符

應諸神寺及諸院諸家封戶調庸并雜物停作移返抄改捺印日收事

右得播磨國解倂謹檢太政官去承和十年三月十五日下民部省符倂得伊勢國解倂謹檢太政官去天長三年五月廿五日下午諸司符倂政事要略和泉國解倂進官雜物依期入京至計返抄還多未進何則綱領之貢若欠鎔

銖本司之例必拘返抄至乃綱領死亡本司遷代檢據失便終為未進室家弊於重輸國郡困於再貢吏之與民弊莫大焉望請令檢納諸司錄其見納捺本司印且與返抄者左大臣藤原冬嗣宣依請凡厥諸國亦同此例而件符未令下知諸社諸寺諸院諸家等因是所納之物因循舊例不與返抄望請依件下知且隨所納物數令與返抄謹請官裁者右大臣源常宣依請諸國亦準此例者而頃年違此格旨所納之封物且不與返抄或放白紙日收或與丹封借收其物納畢之日綱領更至封家勘先收文取移返抄非唯一物之上再取返抄即復請移之日奸偽更起見進之

色還作未進十分之數更爲一分此則且不改印返抄之
大弊也格制間施未免此煩望請重仰諸封家所放日收
必令捺印有家司者縱雖官負不備而有一官署以印書
爲證無家司者若別當若事業署其收文捺踏印亦同即
仰所司停求移文專以日收且勘抄帳然則吏民之煩從
此易絕返抄之事緣何難成謹請官裁者右大臣藤原宣
依請其諸司素改移返抄者依件改行者事須隨所納物
數且放返抄又當年之未進來年不究納明年二月一日
作未進結解移於主計寮其移致時使若雜掌依實辨申
如過期不移者縱雖有未進而在準未進沒公廨之限

自餘諸國亦復準此類聚三代格

憲法志料三篇卷九終

櫻井友二郎校

